



●李克勤想嘗試新東西，歌曲《秒針》和王赫野合作。

# 李克勤新歌玩復古 上架三日點播破億

李克勤跟以抖音名曲《大風吹》而爆紅的內地新潮音樂人王赫野合作，推出充滿八九十年代香港曲風的廣東作品《秒針》，大玩復古情懷。歌曲上架短短數日，在播放平台已達破億的播放率。

早前，李克勤受邀成為新一季《中國好聲音2021》導師，雖然是新加盟導師，但憑着幽默風趣的魅力及赤誠態度，除了贏得一眾學員愛戴，同時亦深受觀眾及網民的歡迎，人氣強勁。除了專注指導學員，近日克勤又跟以抖音名曲《大風吹》而爆紅的內地新潮音樂人王赫野合作，推出充滿八九十年代香港曲風的廣東作品《秒針》，大玩復古情懷。

《秒針》意在打破聽眾對於常規廣東歌曲的印象，帶來耳目一新的感覺。兩個時代的音樂碰撞，除了對復古情懷致敬，也有對當下語境的交融。克勤坦言這個嘗試是要突破自己：「李克勤係一個乜嘢都想嘗試嘅歌手，想嘗試新嘅嘢，亦都想嘗試唔同嘅製作班底、唔同嘅

合作夥伴，李克勤唔係一定要一貫用開嘅製作班底、曲式或者做法先至得。」

### 放下香港歌手包袱多嘗試

向來對自己歌曲參與度甚高的克勤，這次則放手不管：「今次有出過半點、任何意見，完全係將李克勤配合佢個做法，因為我想做一次係比較貼地嘅做法。所以要先放低香港歌手做國語歌嘅包袱，而去放一首這類型嘅歌。」

跟王赫野的聯乘，一眾網民紛紛表示驚喜，克勤笑說這個合作是「天方夜譚」：「同王赫野係第一次合作，我認我哋嘅年齡同資歷方面，差唔多係最遙遠嘅合作。因為我入行30

幾年，佢只係3個幾月，哈哈，係一個完全天方夜譚式嘅合作。但我覺得既然大家碰到係一個緣分，就唔好諗咁多，嚟啦！」

除此之外，歌曲上架短短數日，在播放平台已達破億的播放率，認真厲害，克勤直言找對了曲風：「歌曲上架後好短時間，就已超過一億次播放次數，呢個係一個極速快嘅結果。同理亦都證明呢一類有少少洗腦嘅嘅曲風一啲手提電話短視頻裏面係好啱數去用，呢個亦都係我哋有呢一個合作嘅主要原因。音樂係應該有無限可能，本住呢個精神去做，乜都試吓。」



●「QQ奶粉基金會」隊員出場。

## 陳家樂吳浩康想幫湯怡賺奶粉錢

香港文匯報訊（記者 梁靜儀）李思捷主持及監製的港版無綫遊戲節目《思家大戰》，將於本週日晚播出第五集，今集參與嘉賓有湯怡、陳家樂、泳兒、吳浩康、曾樂彤組成的「QQ奶粉基金會」，以及由王馨平、鄭子誠、甄澤權及區瑞強(Albert)與團團Adrian組成的「五Folk聲」隊。

初為人母的湯怡，誕下女兒不久便復工，獲一眾隊友力撐搵奶粉錢，認真有情有義。對於Albert與王馨平及甄澤權組成一隊，令現場觀眾大感好奇，Albert笑指與馨平是高爾夫球拍檔，而甄澤權則是其大學師弟。

今集問題看似簡單但卻難答，包括「講一樣會跌落馬桶嘅嘢」、「男人有乜技能最騷到女」，當中最考起嘉賓的竟是「講一個經常俾人扮嘅香港歌手」。正當眾人回答徐小鳳、王傑及張學友，並以十拿九穩時，豈料八甲不入，連思捷亦愕然學友榜上無名：「竟然冇？我都一日扮十次啦！」眾嘉賓全

程玩得相當投入，泳兒玩到擦頭頭，更因一個失誤獲製作組送上兩個大交叉。

吳浩康則大拋金句：「我都好少同女仔研究深淺！」獲全場一致掌聲。到底他何出此言，就要留意播出，而Albert答問題答到講故仔，遭思捷取笑：「你唔做編劇嘅晒！」

另外，「思家觀眾大戰」的TVB台前幕後民調問答遊戲「講一個TVB好大食嘅藝員」，結果憑大食 Vivienne 角色成功深入民心的陳嘉佳（細細粒），一如網民所料以高票數當選「TVB最大食嘅藝員」榜首，其他民調大食藝人排名依次為林盛斌、何遠東、丁子朗、肥媽、湯盈盈，其中不少網民都好奇丁子朗會上榜。



●區瑞強同王馨平原來係高爾夫球拍檔。



### 楊謹華想生B

台灣藝人楊謹華的好姊妹林依晨傳出懷孕喜訊後，被追問「造人計劃」，她表示正在努力中，能夠試的都嘗試、都會做，中西醫都有在諮詢，希望老天能多給一點好運。  
香港中通社圖片

熱烈慶祝  
中華人民共和國成立  
72  
周年  
永利 Wynn